

定山堂詩集

定山堂詩集卷二十七

七言律詩十二

百十五首

楊爾寧備兵蘄黃爲余舊游地卽席占送

一首

送孫頤初以叅藩督糧七閩兼柬秋岳

二首

偶憇長椿蘭若聖秋在眞源齋中約過小飲

聽吳客歌時千子病後強起

二首

送盛允康僉憲之河上

和孫退翁喜張司空見過論史詩

送彭孝先司理登州

二首

訓退谷見東並招過飲之作

退谷招集藤陰同洞門九敘路若分韻送魏

環溪光祿歸養蔚州

四首

輓王大司農太翁太夫人

二首

再集青藤館送魏環溪光祿適退翁出西涯
匏菴諸公冬日賞菊圖共觀因用卷中騎

字韻得八首

送何次德孝廉下第還白門

一首

送曾庭聞下第歸贛江

二首

送劉永生司理南雄 二首

許傳巖大僕省覲返中州川送環溪光祿四

韻

九日過慈仁寺適琳芝攜具至邀同階六聖

秋登毘盧閣劇飲松下 二首

薄暮赴張曲山侍御之約

同洞門仲生
國大伯建

奉送太保豈凡先生假還吳門

四首

慰朱蒿菴都諫以言事謫官

讀櫟園菊帖卷中近詩

再得雪航信疊舊韻寄懷

送鄧屺瞻之滇黔

送吳然巖太史謝病南歸和洞門韻

二首

寒夜東蒿菴

聖秋招同洞門胥六園次飲中卽事

送何雲子侍御按上江

二首

偶過石生總憲齋頭留嘗新釀賦謝

二首

送饒資生令溧水饒蘄水人二十年前舊交

送貽上司李揚州集園次房研齋分得支先

二韻

席上留詩別諸子次韻一首

兩年初度何梨音大行皆有詩和韻贈答

和澹心韻書櫟園冊後二首

元日早朝試筆

和櫟園除夜見貽二詩

六日對雪懷櫟園疊前韻二首

送鮑子雲司理梧州二首

和櫟園來韻有唐 二首

定山堂詩集

目錄

卷七

人日雪霽吳冠五傳予詩至櫟園從驢背上
歡喜欲墜隨得和詩是日復雪

立春日夢杏花盛開元夕復夢如前用梅村

庚寅辛卯二韻紀之

二首

疊舊韻爲階六賦

二首

蒿菴都諫謫補建寧司獄

二首

送蒿菴南行卽和其感懷韻十首

再飲石生總憲兼濟堂同蒿菴都諫

二首

王壽格司李盛年喪官歸元亮每言其前致

爲一詩贈之

贈梁仲休都諫

送丘泰度之吳門

送魏子存司理成都

二首

鍾梅臣侍郎出叅隴右

二首

丘曙戒侍講謫倅瓊州

四首

寄彭禹峰方伯訓燕京留別韻

四首

送袁九敘少司馬開府滇南

四首

寄壽徐太君六旬

送有介南還和聖秋

四首

定山堂詩集卷二十七

姪嘉稽

淮南龔鼎莘孝升著

男士稹企較

弟鼎璿孝積訂

士稚

順治丙申使粵迄康熙辛丑邸舍稿

七言律詩十二

楊爾寧備兵斬黃爲余舊游地卽席占送二

首

當年墨綬曾趨走記汎層湖西塞斜一別軍城飛

野藿重看繁戟映秋花江天落日惟詩卷簫鼓王
孫幾暮笳若過并州行部地爲吾父老問桑麻

其二

玄草蓬蒿夏未殘清郎襍被指江干風流愛得川

巖助冰雪還臨節鉞看門下生徒餘顧俊

爲赤方天格美

中諸子

山中朋好尚饑寒

爲子皇濟心諸子

知君鈴閣揮杯

暇定減官廚及釣竿

送孫頤初以叅藩督糧七閩兼柬秋岳

閒門鳥散惟深掩數有高談慰索居紅燭宵涼纔

對酒仙霞秋好正驅車南天鼓角何時罷窮海征
求比屋虛辛苦量沙須早計借籌軍府勸耕耨

其二

榕綠蕉紅引去航浮雲落日遠相望交遊意氣真
豪俊汾晉山川舊鬱蒼朝論已虛臺閣待開疆實
慮戰爭荒歸逢倦圃青樽動爲說登臨憶侍郎

偶憇長椿蘭若聖秋在真源齋中約過小飲
聽吳客歌時千子病後強起

老槐快月城西寺梵罷疎林坐晚涼幽客何緣來

折簡松寮前夕記飛觴爲歡豈假霜威促對酒真
嫌世法荒却似吳閶高會後一船箏笛出橫塘

其二

戊柝銅街漏欲沉繁絲疊鼓幾年心樽前興對藤
蘿發病後人憐風露深燕地艱難惟藥裹江鄉早
晚到秋砧浮雲紫陌紛經眼不醉其如華髮侵

送盛允康僉憲之河上

風神謾謾長松下果識維揚有俊人

于慈仁松閣
間始晤君

放梅花官似水帷褰淇竹地初春魚龍幸好驚瀾

息菱玉應知國計頻往事宋劉多偉績中朝早晚
念勞薪

和孫退翁喜張司空見過論史詩

林色蕭疎薜荔收高車清暇獨相求北窻嘯咏無
殘暑南國尊鱸已早秋論世心期留汗簡揮毫跌
宕動風鉤茂先博物傾流輩十乘三長好共謀

送彭孝先司理登州

法曹樛李知名早誰上牢修黨禁書清節轉因投
杼重海雲重快卷簾初刃游僻郡才逾老淚落蒼

生喘未舒天意向聞三宥切青燈丹筆好躊躇

其二

幾日建康馳白羽戈船烽火照江城卽知貔虎從
天下却恐鯨鯢逐浪生帆轉廟灣鼉鼓急秋連津
樹蜃樓明蓬萊月出還清嘯自古文人善料兵

訓退谷見東並招過飲之作

眼底滄桑已白頭竹垣花掖記同游可憐黨禁膺
滂盡尚許名山姓字留

公編明史錄
余諫疏數篇

葉落蓬門將

過雁塵高柳市獨眠鷗江關鼙鼓連天急易說銜

杯對早秋

退谷招集藤陰同洞門九敘路若分韻送魏

環溪光祿歸養蔚州

秋到長安木葉邊招攜岸幘石蘿烟龍門賓主分
壇席雁塞星河動別筵色養夢牽苓隰外歸裝人
羨菊花先十年獻替留封事苦望昇平啓細旃

其二

玉珂魚鑰日華東先後趨朝斥仗同對酒未須歌
猛虎彎弓翻感勸冥鴻庭幃樂豈三公易蹇諤班

憐一士空火鼓軍船遮淚眼倍臨岐路灑飄蓬

其三

薜蘿壕水漾菰蒲入饌嘉魚玉雪俱天外雲霞深
紫邏林中歲月迴黃虞抽簪尚驗人情好捉麋回
看老輩孤元祐衣冠端禮石藤陰髣髴昔時無

其四

沙柳殘蟬去住情愁聞帶甲復呼庚窮陬父老原
扶杖本計朝廷豈論兵溫樹功名捫舌易院梧
搖落著書成北堂健飯蒼生事倘詔肩輿上殿

行

輓王大司農太翁太夫人

三原遺澤啓高閭，簾閣青燈涕淚餘。
活國春偏迴彩筆，焚香心可告丹書。
貧甘井臼辭金日，勇等雷霆拂袖初。
野哭十年新罷戰，九京悲喜更何如。

其二

青霞歸臥九隆岑，悵望潘輿膝下心。
雙杖白緣花竹健，諸州詎料鼓鼙侵。
書來絕徼霜鴻急，雲壓秋原鐵騎陰。
側席台垣須強起，熟知家訓教忠深。

再集青藤館送魏環溪光祿適退翁出西涯
宛菴諸公冬日賞菊圖共觀因用卷中騎
字韻得八首

披圖菊蕊傲霜垂想像含毫命酒遲安得玉壺移
日飲不聞鐵駟繞江騎秋風輦鼓關心夜人物成
弘過眼時頭白舊游零落盡那堪衰柳賦將離

其二

古藤青更石蘿垂醉情經旬結伴遲此別還山龍
竟臥向來踞地虎同騎一肩殘照飛狐外萬事成

心老驥時月出 帝城砧杵急斷鴻沙磧草離離
其三

清卿襍被橐空垂負米偏逢祿米遲陟岵雲瞻千
里近朝天馬憶五更騎身閒烏鳥陳情後路讓鵝
鸞得意時滿地風烟思駿骨却令龍廐失纖離

其四

庭柯歸到晚香垂書擁巖扉葉下遲活火蹲鴟寒

自撥

蔚州產炭甚佳

斜陽黃犢穩堪騎潘輿真羨南陔福

滂母曾經北寺時憂國涕沾襟袖濕夢魂繞膝未

定山堂詩集

七言律詩
六

睽離

其五

滾滾羣公竹帛垂中林把臂已嫌遲
種松老愛蒼鱗捲耕谷馴容白鹿騎
飽飯長歌幽客事兵銷刑措太平時
滄洲一臥能安枕未惜登臨送別離

其六

蓬鬢疎同薜影垂奕棋回首爛柯遲
愁中懷送三聲淚海上羊看五色騎
已分絕交嵇叔夜虛傳置驛鄭當時
得歸茅徑從深掩憔悴吾生飽亂離

其七

聞闔星辰五夜垂
席前宣室鬼神遲
從教汲黯薪
仍積豈有周昌項
可騎故里樓臺吹
角後天涯貧
病送人時
年年酒伴稀
燕市擊筑誰呼老
漸離

其八

斜燭風簾入夜垂
銅街燈火促歸遲
樽前與爲同
心發屋上危
難破膽騎大隱
獨留青舊在
幽花還
似義熙時
輿亭北望秋星遠
退谷丹霞正陸離
送何次德孝廉下第還白門

榜下驚看病起時翻疑黃色上雙眉
兩年道路今歸早百戰文章舊數奇
驢背菊花寒晚照龍江楓葉過軍麾
池塘興就開樽夜莫話長安有鬢絲

其二

砧杵霜生塞雁前石頭錦樹接風烟
披裘徑去三千里躍馬還堪四十年
兵後過江悲喜換天涯失意別離偏
好攜蕭寺松牕月細拂雲林待我眠

送曾庭聞下第歸贛江

章門烟水龍頭霜失意扁舟且故鄉
客淚短裘僮

僕散秋燈殘葉道途長
沙晴鴻雁移金角
日落蛟龍鬪石梁
應憶河湟征戰後
鬢毛曾對朔風蒼

其二

海內論才復幾人
最憐磊落困風塵
傳家諫劄吾

同草

尊甫二濂都諫
昔與余同舍

脫手詩篇汝有神
錦席諸侯

饒吹曲麻鞞絕徼瘴
花春封留辟穀須臾事
莫便焚書學隱淪

送劉永生司理南雄

蒼松萬樹嶺雲盤
過雨春林響急湍
病日酒杯辭

郡閣頻年客夢繞烟巒官臨漣水清千尺地控梅
關險一丸丹筆中宵還涕淚炎荒生聚戰餘難

其二

沙柳河干自掩扉故人車騎亂秋暉風波別後主
回首縞紵霜前感授衣路入鷓鴣仙棹遠山連鴻
雁暮砧微卽知獻納旋簪盍燕市狂歌興未非

許傳巖太僕省覲返中州用送環溪光祿四
韻

青門祖帳五雲邊秋色晴移錦纜烟綠岸紫萸初

落帽到家繁菊正開筵兩都清論歸元禮十乘奇
書擁茂先戀闕趨庭心總切風塵南望尚戎旂

其二

憶昔飛書交戟東手排閭闔大呼同幾年仗返天
閑馬一夕秋分碣石鴻愛日已偕丹檻永浮雲應
對綠樽空賈生涕淚蒼生喜回首無勞感鬢蓬

其三

予爲同簿正公在事時

亭亭翠竹映寒蒲數馬堦前短簿俱一自荒扉羅
鳥雀欣依靈囿識騶虞興生北府登樓暇人去西

定山堂詩集

七言律詩
九

卷二

山挂笏孤計日袞歸諧大軸還容坐嘯幕中無

其四

霄漢春濃綵服情 聖朝雅化播由庚中原河嶽
爭迎楫里社雞豚及罷兵詩老風霜留草在道難
丘壑爲名成殘沙落雁聞橫笛諸將樓船此路行
九日過慈仁寺適琳芝攜具至邀同階六聖
秋登毘盧閣劇飲松下

浮空百尺西來閣暝踏危攀正午鐘木脫樓臺秋
盡出檐開嶂翠仍重疎砧自急宮城雁寒日偏

明石磴松指點雲山南去路晚花愁傍戰場濃

其二

經臺風勁添衣後門閑珠林薜荔荒萬事波瀾寬
濁酒一牀箏笛駐斜陽游踪物外萍堪聚老鬢天
涯菊對蒼輿招尋還卜夜秋來玉漏帝城長

琳芝有輪日
小飲之訂

薄暮赴張曲山侍御之約

同洞門仲生
圖次伯建

年年九日興誠寺薄醉衝寒此更登人坐古槐沙
月到雨翻殘葉放歌曾微茫堞映澄潭水歷亂鴉

定山堂詩集

喧遠岸燈最憶孤舟湘楚客江城吹角思難勝

客歲

與友沂同招諸子於此地

其二

雨花江色平山柳四海賓朋首重搔
恰喜繡衣家釀熟頓令蓬戶客心高
五陵風露催裘馬雙眼乾坤問蟹螯
苦望嫖姚金甲解紫萸黃橘長蘭皋

奉送太保豈凡先生假還吳門

朝廷望治資台輔海內東山有幾人
屢疏暫諧丹壑願輕裝貧對白鷗親
預開閭闔延歸袞安得乾

坤縱釣綸鶴磻筌簫梅嶼月那禁馭吏吐車茵

其二

樓船江左移軍後錦石秋花似舊無總有煙霞娛
上相應憐飛輓盛中吳潮迴北固沙鴻亂曲奏南
征塞角孤造膝太平籌策久幾時士女遍春醕

其三

棕鞵箬笠蓮花飯居上忘現宰官二晉名山支
許契十年塵夢水雲寬薜蘿地任栖心穩龍象緣
從救世難杜曲回看天尺五魚池苔井莫荒寒

其四

香山雒社尊者宿京國朋簪晚更違花近酒杯方
爛熳葉殘車騎忽翻飛南天烏鵲投林急盛世夔
龍拂袖稀秉燭勿嫌游伴減野夫春興滿漁磯

慰朱蒿菴都諫以言事謫官

掖垣封事朝朝下誰並朱雲折檻名斷獄已無干
定國上書空累竇游平危言計肯謀妻子長慮吾
終愧友生一斥未須悲仗馬報君今日諫官成

讀櫟園菊帖卷中近詩

古城沙吼一燈陰殘菊香連北雪吟獄急每猜難
弟色夜寒真透故交心碑題閩海千行淚戰罷江
關九月砧我幸退耕君事解柴桑秋待兩人深

再得雪航信疊舊韻寄懷

桑乾落葉玉門霜書到寒扉下夕陽兵火三江歸
木卜乾坤雙淚老難量白頭雨別潸衣帶青駸人
稀窘藥囊薄醉把詩殘菊夜鐵衾心忍五更忘

來詩
甚富

送鄧屹瞻之滇黔

京華旅食淹留晚霜壓樓桑忽解攜萬里壯遊原
快意一官大郡豈卑栖江關春早迴玄雁詞賦名
應重碧雞高密策勲家世在肯辭躍馬聽征鼙

送吳默巖太史謝病南歸和洞門韻

五雲唱第出羣材拂袖風清視草臺季札大名爭
伯仲長卿多病喜歸來天低朔雁催行李人到江
開放早梅還憶西堂高詠就春池園柳對銜杯

玉駟
昆仲

其二

建業樓船烽火急殘秋涕淚幾登臺中朝鶴鷺吾
鄉少里社雞豚戰地來休汝騎霑沙苑月環滁山
映玉壺梅孤蓬自悔投林晚羞舉風前送客杯

寒夜東蒿菴

古巷斜連朔霰寒擁衾無寐憶燈殘龍鱗乍拂天
頻轉雞肋微留味頗難名列黨人終是福事關青
史豈論官狂夫謫後龕頑健酒殘詩簡任客看

聖秋招同洞門階六園次飲中卽事

草堂夜半凌霜菊憶傍清涼百尺臺紅燭此宵寒

更重青溪明月遠能來長齋人共花前傷舊夢風
飄笛裏梅安得扁舟春水發鹿苔鷗嶼穩擎杯

送何雲子侍御按上江

嶽嶽霜稜柱下聞補天諫草不須焚單車共快迎
文紀十載前曾御李君入座湖山思舊雨到江驄
馬動春雲玉壺好進平原酒官閣梅開對夕曛

其二

淮南形勢連吳楚郡國烽煙攬轡中六代龍盤稱
重鎮千羣犀甲起秋風衣冠故老無林壑桑柘遺

民有戰攻壽世急宜寬大詔 朝廷生聚倚江東

偶過石生總憲齋頭留嘗新釀

青燈東閣對論文 戶靜雙藤白月紛上殿共推真
獨坐開樽不厭故將軍 縹瓷雪淨傾新碧 綳帙香
翻廣舊聞 出顧涇陽先生語錄相質 玉律漸回思解網 春從栢
府座中分

其二

六校龍旂玉塞風 飛書諫獵古人同 君王德盛
巡游暇 元老心懸雪霰中 帶甲果能銷四海 銜杯

何惜老孤蓬江湖歲晚無消息醉指扁舟吾欲東

時懷吳梅村
酒揚猶龍方作

送饒資生令溧水饒蘄水人二十年前舊交
石頭佳氣接花城到日江干春水明闔闔仙鳧初
下舄建康赤羽近屯兵瞻星故里飛蓬日握手并
州舊雨情高第政成徵拜急好輕徭賦重民生

送貽上司李揚州集團次房研齋分得支先

二韻

法曹領郡揚州日正是梅開官閣時王導參軍名

已盛張堪爲政樂難支文章似汝宜陪輦風俗何
人肯察眉十二珠樓燈火夜玉鞭宮錦絡青絲

其二

石頭潮水連瓜步纔過廬循萬里船無數遺民愁
鐵甲頻年估客蕩金錢爰書亡害于廷尉經笥難
逢邊孝先伏處此邦饒俊傑仗君憑軾起高眠

貽上留詩別諸子次韻一首

隔歲西園接軫游高平人地盛風流恰看皂蓋春
雲動正值臺城畫角收賓客南徐爭倒屣江山文

先山堂詩集

七言律詩
五

卷二

選日閒樓灞陵雪後垂楊短玉笛吟成緩客愁

兩年初度何蕤音大行皆有詩和韻贈答

詩就梅花月不寒醉看天際足鷓鴣六朝清省誰
能敵兩度蕭騷爲汝寬金馬星高英蕩節銅龍日
望鷄鵲冠匡時鐵石排丹仗莫信囊中玉可餐

和澹心韻書櫟園冊後

四海論文許歲寒冰霜偏傍貫城看排根力盡清
操見畫諾人憐曲筆難何罪肯投曾母杆當饑真
罷孔融餐江湖莫訝黏天急石落蛟龍漸倚灘

其二

名士爭依入雒舟故人腸斷見何繇

仲玉觀察

能忘生

死持三尺爲護松筠立九秋豈有斯人翻下吏可

憐獄上正呼囚浣花明月

澹心

西溪水

彥遠

待汝春歸

共酒樓

元日早朝試筆

條風又拂日華東城闕籠烟正鬱蔥
天轉龍旂霜磧後心懸魚鑰漏聲中
法宮色養仙韶迴複道烟花海甸同
祿食小臣慚曝獻春田還願息征攻

和櫟園除夜見貽二詩

喧喧車馬晝掩戶見子姓名真劇歡吉祥善事此
片紙天地大恩回苦寒殘書遮眼任急索春花對
酒行同看太平卿相自言樂有口惟許開堂餐

其二

老親健飯好友活

冬杪驚聞老母病元
日喜得勿藥消息

吾生棄置

寧足歎得歸與君望衡宇醉眠何地輸長安赤章
心久白天帝蒼生命頗輕秋官卽知轉圜赦魏尚
明詔責躬頒履端

六日對雪懷櫟園疊前韻

客春兩和杜陵句青燈殘燄叢悲歡曉來鵲語忽
破睡雪壓短檐翻不寒玉泉蒼兕饑復叫銅坑老
梅誰與看人生苦趣亦快意當時有客瓊同餐

其二

因樹屋邊應零亂爲君撫枕興嗟歎但能翻飛生
羽翼卽吾坐臥增輕安驟晴不如更快雪此味豈
宜分熱官春來瑤草一以長相期攜手青巖端

送鮑子雲司理梧州

早春車馬動晴雲
新柳新鶯驛路分
湘漢江聲消朔雪
牂牁帆影入斜曛
丹書香灑臨妝筆
鐵甲喧移下瀨軍
努力加餐人萬里
碧梧鸞鳳待栖君

其二

蒼梧烟水五溪通
羨汝行陪御史聰
樹外鷓鴣啼嶺月
花邊騏驎下天風
冰壺一片懸銅柱
郡閣千峰到酒筒
炎徼祇今初罷戰
好留民命答宸聰

和櫟園來韻

有序

櫟園兩日來方與諸法曹抗辨曲直白飲

章錄牒之誣吾意殊爲鬱鬱當饗輟箸而
新詩連編盈軸快若明月之入懷是其意
似有大暢適之事防外人覺損其趣者恐
今之貴人低眉睨色刺促忸怩不可以對
妻子未有此浩浩落落之胸中也昔子瞻
獄急時鼻息如雷誦事者至歛手相賀今
亦吾輩爲櫟園稱賀時矣和答如來詩之

數

五更大雪
晨起凍子

制詔御史及廷尉爲君慮獄求平反深杯對雪吾

當醉狂喜卷書人不寃彩勝誰家初剪燕新詩苦
語一聞猿嚴寒節過天全轉始信冰霜有至恩

其二

當年燈火中林夕池上寒星小閣齊豈意風塵頭
對白各憐顏色老難低關心書信疑兒女過眼榮
枯已雪泥轉愛垂垂因樹屋萬峰雪壓古城西

人日雪霽吳冠五傳予詩至櫟園從驢背上
歡喜欲墜隨得和詩是日復雪

傳來人日雪晴句又見雪花無數新騎驢失笑有

底急對簿苦吟無此人天亦隨時陰霽改事當失
意悲歡真鍾山早春殊蒼翠烏衣十年遲角巾

立春口夢杏花盛開元夕復夢如前用梅村

庚寅辛卯二韻紀之

虎圈烟花園令官浮雲春色懶相干纔聞彩仗喧
街鼓却夢紅香簇畫闌深巷小樓催雨過啼鶯戲
蝶閉門難玉河堤上鬢鬢柳青眼還同早歲看

其二

雀羅清夢此宵安銀燭春星爛不寒薄醉難忘中

聖酒名花恰稱上林官一枝紫禁栖鸞穩十里西山躍馬看爲憶六朝香粉路年年風日滿長干

疊舊韻爲階六賦

銀燭華星又一時花前重詠早春詩興濃入夜偏
杯酒身健憐吾獨鏡絲沙苑曉晴深駐馬玉河垂
柳漸鳴鸛勿言陶寫宜絃管天下蒼生待察眉

其二

朱旗吹角大河濱南鳥飄搖入雒身正喜天涯同
里社可無文燕媚芳辰

時方議禁宴會

春生雍時回天詔

世倚雲霄補闕人
晁賈諫書年共進
漢廷經術本深厚

蒿菴都諫謫補建寧司獄

乍聞鳴鳳下丹霄
捧檄重驚去路遙
當殿義誰同慶忌
謫官天許對臯陶
風霆正足旌狂直
祿秩將無黜
聖朝到日島門烽
燧息蕉紅榕綠引
輕橈其二

南大花雨漸霏微
郡閣高眠傲拂衣
豈有青山供手版
只愁紅袖減腰圍
人家荔子香中住
宦味江

瑤醉後稀天語臨 朝親歎息促裝先挈奏囊歸
送蒿菴南行卽和其感懷韻十首

拂袖猶存痛哭書 漢廷風節許誰如 幾年舊雨同
樽酒 一夕飛蓬出禁廬 小住恰來春社燕 早暄偏
泮玉河魚 江臯香草萋萋綠 憔悴靈均有卜居

其二

經秋雙鬢已全華 烽火飄搖萬里家 落日諸軍停
轉戰 浮雲有客賦懷沙 潮連海國戈船黑 心到孤
臣午夜賒 但祝時清甘放黜 江東鰕菜足生涯

其三

杼軸頻年沃土空
啼烏哀怨曲難終
抗章春色迴幽蔀
攬鏡蒼生問轉蓬
四海正懸扶杖淚
孤帆愁度落花風
兵餘征歛還籌策
一臥休稱避世翁

其四

垂柳垂楊春盡生
驪珂畏見祖筵成
同游少俊今餘幾
過眼風波晚倍驚
脫粟久憐沙路改
爲瀨水也牽衣翻
悵故園平天街佇
立斜珠斗但醉何
煩醒酒鯖

其五

老驥歌殘怯據鞍每逢煥眼故人看
門閒鳥雀書千卷眠傲鷁鷺日幾竿
世路艱難摧棄屢諫書隱躍勸彈冠
青郊結伴猶嫌晚殷浩虛名愧謝安

其六

越鳥淒風劇可憐仗君砥柱障南天
心驚道路紛衣赭舌閉公卿似守玄
吳會衣冠同日散長門雨露幾時鮮
舉幡複壁東都事錮黨清時恐未然

其七

煌煌宛雒機雲侶林澗全耽歲月閒
宋玉續騷蘭畹後王褒懸賦栢梁間
懷直方農山二子鶯花此去方爭席
猿鶴將無妬賜環千頃汾湖春漲碧
更添彩筆寫崢嶸

其八

天意風雷無竟日誰言朔霰到春寒
祥風一解都官獄兵氣應銷大海瀾
止輦憂先形豹尾泣車事已兆雞竿
何人魯國真男子救患當饑不及餐

其九

天風掉臂五侯門
柳市塵高日易昏
丹檻早留前席對
青山兼感要人恩
官微地較儋崖近
亂定春看絲竹存
捉鼻經營綦屐外
蘭幃翠幄莫深論

其十

幔亭雲氣仙霞月
蒼翠芙蓉萬仞封
望遠目應明紫極
挑燈約共指青松
匡牀坐嘯愁聞雁
長劒分攜欲化龍
託寄晨風無羽翼
客心已逐最高峰

再飲石生總憲兼濟堂同蒿菴都諫

吳山猿鶴已移文
橫海還愁戰艦紛
中國何時相

司馬普天真喜罷從軍白頭調鼎羣公苦黃屋憂
天父老聞深燭此宵須盡醉臺霜不遣玉壺分

燕集

之禁
甫下

其二

尺疏纔生殿閣風謫官樽酒一時同誰言鳥雀門
庭口尚在夔龍記憶中吾道江河歸砥柱春心去
住損飛蓬新詩疊聽鈞天奏髣髴祥雲豹尾東

石讀

生早朝陪
祝諸詩

王壽格司李盛年棄官歸元亮每言其高致

定山堂詩集

七言律詩

卷二

爲一詩贈之

陶公四十能歸去，更早投簪世所稀。
說汝風流須櫟老，側身天地幾柴扉。
文章氣壓蓮華掌，勲業心閒薜荔衣。
應笑金門衰懶客，飽看蔡澤盡輕肥。

贈梁仲林都諫

蓬萊雲映嶽蓮生，風定桐花玉醪清。
十漸諫書垂藥石，三原人物重公卿。
朝回彩筆開丹壑，香靜疎簾過晚枰。
談笑借籌青鬢健，年來江海望休兵。

送丘泰度之吳門

當年慷慨躍黃驄射虎親關玉臂弓最惜紫髯淮
海別重逢青眼酒樓東拔身萬弩江潮急仗劍三
吳幕府雄燕領風雲看捷足卽今驃騎已論功

送魏子存司理成都

錦官城壓錦江流駟馬翩翩負弩游戰地鶯啼花
漸發人家虎去樹全稠何年鬢影吹春市自古才
名盛益州遙羨草玄亭下坐玉壺奇字足淹留

楊猶龍
方伯

其二

鄭公諫笏雪霜寒忠孝清門四海看自喜爰書經
亂少誰言蜀道上天難琴樽歲久原垂橐父老文
成一據鞍善後西南須石畫早圖王會入長安

鍾梅臣侍郎出叅隴右

韋曲飛花繞暮鶯上卿羽蓋急西征廟堂自倚金
城略父老重瞻玉節行萬里河湟吹角罷諸羌烟
火近邊耕到官條教知寬簡丹筆年來助好生

其二

翟公門逕碧苔寒玉軫鍾期興屢寬去住一時同

斷梗風沙五月到，臯蘭紅亭笛放南星盡。
青嶂天連北極看，鈴閣更籌前席問。舍人裝總慣長安。

丘曙戒侍講謫倅瓊州

長河疎柳拂征舲，江海風烟正渺冥。
文士命應過嶺嶠，黨人名恐累朝廷。
鷓鴣峽斷恒啼月，蛟蜃潮圍幾漏星。
到日憑高望京國，一時南客總飄零。

其二

獻歲側身宣室詔，普天加額太平年。
小臣堪塞風雷譴，時論何辭貶謫偏。
同日龍顏瞻翠幄，深春

鈴索冷花飄飛蓬結伴仍留滯憔悴啼鶯到別筵

其三

南武山川一葉舟曾看鳬嶼吐危樓無天有海原
奇句撾鼓迴帆亦壯遊地迴崖門春漲黑嘯清簾
閣戰旗收行逢瀧吏詢羅雀小別枕榔已白頭

其四

金門詞賦倚丘遲玉輦西風白羽移蠻府檄猶書
鳳尾漢宮人不悔蛾眉蘭咳樂事歌驪得銅柱功
名躍馬垂翡翠明珠王會盛可如聖主得賢時

寄彭禹峰方伯訓燕京留別韻

更闌同聽未央鐘
痛飲寒花別幾冬
天外尺書驚薜荔
日邊新句映芙蓉
遙知北望憐窮鳥
自古南陽起臥龍
聞道五溪吹角過
伏波銅鼓盛軍容

其二

寺門雪後送驪駒
江楚風烟隔壯夫
兵氣漸看迴粵嶠
廟謨豈獨恃孫吳
難逢名士嫖姚幕
漫鑄黃金范蠡湖
四座明星東閣夜
記同飲鐵山相國邸中
朔鴻飛盡塞笳孤

其三

得時鷹隼豈卑栖行省威名播翟隄展折圍碁千
帳靜檄成橫梨萬山低軍中轉粟青天上使者論
功大夏西柔遠古惟恩信重年來象馬倦霜蹄

其四

論心何用結交頻晚合深憐意氣親尚憶鄧州同
舍客

源謂孝

每誇吾黨救時人長卿車駟榮馳蜀賈

誼功名薄過秦子幸封侯吾穩臥加餐爲勸遠遊
身

送袁九敘少司馬開府滇南

上卿劔履重文昌除拜驚傳出尚方
當殿便懸都護印賜金親治洱西漿
奏成魚水三台下路接雲霄萬里長
宿將期門看授鉞同遊朝士盡輝煌

其二

趨庭彩服戀青春許國難辭叱馭身
荒徼運全消戰伐馳驅事總屬君親累
稀猿鶴帆檣捷天濶江山指顧新建業
潮聲湘漢月夢回還繞五陵塵

其三

傳檄風清粵嶠西獻琛貢象啓雕題諸軍金粟思
流馬沃野山川靜碧雞父老十年蠲復望嫖姚何
日凱歌齊安邊籌策耕桑急天意分明厭鼓鼙

其四

弟兄簪筆侍宸顏
祭戟風雲不可攀
公望世應饒
遠略文章氣已壓
巖關燹燹
戎馬鳴笳歇
玉鉉黃
麻側席還他日
峴碑銘太傅
磨崖合在點蒼山

寄壽徐太君六旬

京華兩度駐鸞軒
九市浮雲過眼翻
慷慨爲憐龍

性在蕭條偏愛雀羅溫教成綦綰稱良友歷盡風
波見主恩絕勝古今傳范母令名壽考集清門

其二

扁舟生事問林巒幾地游蹤遶膝寬自喜烟霞供
坐臥每偕花竹報平安鬢香顏似青精駐魚鳥慈
同繡佛看慚負早春書札到勸歸兒女話團圓

送有介南還和聖秋

琴簟纔移薜荔香帆開炎日道途長東岡夢早違
京雒北寺人憐飽雪霜鴉話五更寒燭短虎旗十

道海雲蒼得歸肯厭投林密車馬於今險太行

其二

坐起空聞碧樹香層冰難息火雲長九河正涸迴
舟水六月猶飛貫械霜秋近破衾重涕淚詩爭朔
雪太清蒼故人倘遂生還事先報江東鷗鷺行

爲筌

公也

其三

石城楓葉捲潮香惜別回看歲月長人到幽燕頻
聚散途窮處士亦風霜麻姑山下兵聲逼子隱臺

邊亂竹蒼相見爲吾勤問訊青溪賓客舊成行憶

叟茶村澹心子翦其年前民諸子

其四

鯉魚剖後尺書香簫鼓橫塘去夢長汝過西陵應
剪燭爲言枯樹更經霜平生好友悲多難何地江
山慰老蒼猶有當時偕隱計藥欄梅嶼各分行答

遠兼悼仲玉觀察也